

Sempre quassu pè'ssa punta, Cavalchendu à Culomba
Quandu l'alba chjara spunta, Eu mi fermu una stonda
Per scopre à Moriani, L'Orezza è l'Alisgiani

In stu fieru paradisu, Di scogliu è di virdura
In stu mondu indecisu, Chì ci hà datu a natura
Vecu in fondu di a burgata, A nostra piaghja malata

Quallà a punta Trè Pieve, Supraneghja u lucale
Duve ci tene a neve, Passatu u tempurale
Face cresce e surgente, Chì ci cotranu i denti

Ci hè ancu monte Castellu, Incu la so pretenzione
Face scarze u so fratellu, U scogliu di Felicione
A rasa bella pilata, Da tante ch'ella hè brusgiata

L'avete induvinata, Cu a Punta di l'Olmelli
Dopu a sta longa cullata, Sò stanchi ancu l'acelli
Ma chì cura a muntagna, Induve ci vole l'altagna

O la mio muntagna cara, Si piena di puesia
A to aria pura è chjara, Guarisce ogni malattia
Si bella cum'è e stelle, Chì campi vicinu à elle
Si bella cum'è e stelle, Chì campi vicinu à elle